

# IMBRT pengangkutan efisien

**IRDA menjangkakan pelaksanaan IMBRT pada tahun 2022**

NORSHAHZURA MAT ZUKI

Pihak Berkasa Wilayah Pembangunan Iskandar (IRDA) optimis perkhidmatan pengangkutan awam yang dikenali Iskandar Malaysia Bas Rapid Transit (IMBRT) di Iskandar Malaysia, Johor akan memacu sistem pengangkutan lebih efisien di bandar metropolis itu.

Ketua Eksekutifnya, Datuk Ismail Ibrahim berkata, IRDA menjangkakan pelaksanaan IMBRT pada tahun 2022 akan memberi alternatif kepada penduduk

di bandar tersebut yang dijangka meningkat kepada dua juta penduduk bakal menggunakan perkhidmatan awam.

Menurutnya, IMBRT diwujudkan untuk mengatasi kelemahan sistem pengangkutan sedia ada yang hanya meliputi 35 peratus kawasan Iskandar Malaysia, berkeluasan 2,217 kilometer persegi.

“IRDA mengunjurkan kemudahan IMBRT akan memberikan perkhidmatan kepada populasi tumpuan iaitu 90 peratus daripada Iskandar Malaysia.

“Kami berharap pada tahun 2022, IRDA akan melaksanakan perkhidmatan operasi IMBRT fasa 1. Ia akan melibatkan tiga laluan utama, 26 laluan terus dan 42 laluan bas pengantara. Kami

## IMBRT

**Jarak:** 51 kilometer  
**Bilangan stesen:** 42  
**Perkhidmatan terus:** 26 laluan  
**Perkhidmatan pengantara:** 46 laluan

### Manfaat IMBRT

- Perjalanan mudah dan selamat ke Johor Bahru
- Sistem bayaran tanpa tunai
- Merangsang ekonomi
- Menjimatkan wang
- MBRT kurang pencemaran

FOTO: ASRIL ASWANDI SHUKOR



ISMALI

pada wartawan ketika berkunjung ke Ibu Pejabat *Sinar Harian* di Shah Alam, Selangor semalam.

Tambahnya, dengan sistem bersepada itu, IMBRT akan dapat membantu pengguna menggu-

nakan pengangkutan awam berbanding kendaraan persendirian.

“Buat masa ini, jumlah penduduk yang menggunakan kendaraan persendirian ialah adalah 85 peratus dan selebihnya adalah menggunakan perkhidmatan awam. Kami mengunjurkan penduduk akan menggunakan perkhidmatan pengangkutan awam akan meningkat kepada 50 peratus selepas IMBRT beroperasi nanti,” katanya.

Mengulas mengenai modal pelaburan pelaksanaan projek IMBRT, Ismail berkata, IRDA mendapat kelulusan dari Kerajaan Pusat sebanyak RM2.56 bilion dan daripada jumlah itu sebanyak RM1 bilion akan ditampung kerajaan manakala selebihnya dibayai pihak swasta.

## Jalin kerjasama strategik

JADI Imaging Holdings Bhd (Jadi) syarikat yang terlibat dalam pembangunan dan pembuatan toner untuk pencetak laser dan mesin fotokopi telah menandatangani perjanjian langganan dengan Static Control Holdings Limited, di Bursa Malaysia baru-baru ini.

Berdasarkan kenyataan akhbar yang dikeluarkan, langganan dicadangkan oleh pihak Static Control ialah berjumlah 94,170,040 saham langganan pada harga terbitan 13 sen mewakili kira-kira 10 peratus daripada jumlah bilangan saham terbitan di Jadi.

Perolehan daripada langganan yang dicadangkan akan digunakan untuk pengembangan fasiliti pengekuaran sedia ada bagi Pengeluaran Toner Kimia (CPT) Jadi.

Di samping perjanjian langganan, Jadi dan Static Control turut menandatangani perjanjian rangka kerja bekalan yang mana pihaknya akan melakukan pembelian kuantiti CPT tertentu dalam tempoh tiga tahun bermula 1 April 2020.

Perjanjian langganan itu telah membuka jalan bagi usaha sama di antara Jadi dan Static Control.

**MAGGI** CukupRasa memulakan kempen baharu ‘Tak Kenal, Tak Cinta’, dalam usaha memperkenalkan wanita Malaysia dari semua lapisan masyarakat untuk menyambut cabaran.

Kempen itu juga memperkenalkan duta jenama baharu Maggi CukupRasa iaitu selebriti terkenal di Instagram kerana berkongsi resipi masakan rumah, Datin Paduka Eina Azman.

Popular dengan video masakan rumah, kesungguhan Eina Azman memberi inspirasi kepada seramai 1.7 juta pengikutnya di Malaysia untuk mencuba memasak sajian ringkas di rumah dan inilah yang ingin diketengahkan oleh Maggi CukupRasa melalui kempen baharu itu.

Menurut Ketua Pegawai Eksekutif, Nestle (Malaysia) Berhad, Juan Aranols, Nestle memang penyokong kuat kepada keragaman dan



Duta Maggi CukupRasa Eina Azman (kiri) pada sesi demonstrasi masakan pada pelancaran kempen ‘Tak Kenal, Tak Cinta’ di Kuala Lumpur baru-baru ini.

keterangkuman.

“Mencerminkan semangat ‘Tak Kenal, Tak Cinta’, kempen ini memberi tumpuan kepada wanita Malaysia dan menggalakkan mereka lebih berani dan memberi inspirasi untuk me-

nyerahkan keupayaan mereka,” katanya.

Beliau berkata demikian pada majlis pelancaran kempen ‘Tak Kenal, Tak Cinta’ di Pusat Membeli Belah My TOWN, Kuala Lumpur baru-baru ini.

## Tune Protect raih anugerah



Ai Lin (tengah) menerima anugerah pada majlis Anugerah Insurans Asia 2019 di Singapura baru-baru ini.

**PENERAJU** insurans digital terkemuka di rantau ini, Tune Protect Group Berhad (Tune Protect) menang anugerah kategori Inisiatif Insurans Digital Terbaik pada majlis Anugerah Insurans Asia 2019 di Singapura baru-baru ini.

Kemenangan itu dinilai menerusi dua produknya iaitu Sukan+ dan Pay As You Drive (PAYD) insurans.

Ketua Pegawai Eksekutif Kumpulan Tune Protect, Khoo Ai Lin berkata, anugerah itu ialah bukti kerja keras pasukan

Tune Protect demi mencapai visi syarikat.

“Tune Protect akan terus melabur dalam InsurTech menerusi pembangunan penyelesaian platform digital yang membuka pintu kepada peluang perniagaan baharu di rantau ini.

“Kami komited meneruskan aspirasi digitalisasi selaras dengan tiga pelan strategik iaitu pengeluaran produk inovasi dan pembezaan, jangkuan pengedaran dan pengalaman pelanggan yang luar biasa,” katanya dalam kenyataan akhbar.



### IKLAN JAWATAN KOSONG

Sebuah IPTS milik penuh Bumiputera yang sedang membangun menawarkan peluang perjawatan yang memerlukan individu bermotivasi tinggi, berkemahiran dan inovatif dalam bidang yang dikhushuskan.

### PENSYARAH KULINARI

Permohonan hendaklah dihantar bersama :

- i. Resume
- ii. Phd/Sarjana/Ijazah Sarjana Muda, SPM & Sijil berkaitan
- iii. Transkrip Akademik
- iv. Surat Pengesahan JPA ( Kelulusan Luar Negara )
- v. Gambar berukuran Passport ( 2 keping )
- vi. Salinan Akaun CIMB ( jika ada )

Semua salinan dokumen di atas perlu disahkan & hantarkan kepada : Pengurus Sumber Manusia & Perjawatan, u/p : Cik Nurshazmeen Natrah. Permohonan boleh dihantar melalui pos atau emel : [resume@instedt.edu.my](mailto:resume@instedt.edu.my). Tarikh tutup permohonan : 29 Ogos 2019 INSTEDT, Bangunan Kejuruteraan, Jalan Datai Onn, 81930 Bandar Penawar, Johor. Tel : 07-8222 008 sam 109 / 013-212 4665 (Cik Adreena). Fak : 07-8222 010